

CONCIO

2

HABITA AD CA- PITVLVM GENERA-

LE SACRI ORDINIS

Cartusienſis, hoc

anno 1584.

Per V. P. D. Stephanum de Salazar Priorem :
Cartusiæ deſenſionis beatæ Mariæ, prope
urbem inclytam Xerecium
S. Theol. D.

Qua potiffimùm explicat inter omnia religionis vo-
ta, principē locū habere obediētiam: qua veluti genere,
cætera clauduntur. Stabilitatem prætereā etiam eorum
qui eam ad certum & designatum locum profitentur
Ordinis eſſe, non loci: quod intelligenda ſit ſalua ſem-
per obediētia. Votum etiā conuerſionis morum, nihil
eſſe aliud, quàm regularem obſeruantiam. Quo pariter
pacto per contemptum, & neglectum tendendi in per-
fectionem, regulares peccent mortaliter. Agit tandem
ſeriò, de reuocanda recta voculandi & proferendi ra-
tione, in cantibus Eccleſiaſticis & officio diuino.



LVGDVN I,
APVD THEOBALDVM ANGELIN.

M. D. LXXXIIII.

Cum Superiorum licentia.





CONCIO HABITA
AD CAPITVLVM GENE-
RALE SACRI ORDINIS
Cartusiensis, hoc anno
1584.

*Obedite præpositis vestris & subiaccete eis, ipsi
enim peruigilant, quasi rationem pro animabus
vestris reddituri; vt cum gaudio hoc faciant
non gementes, hoc enim non expedit vobis:
Hebræorum vltimo.*



Vix dici queat (Anti-
stes optime & pientis-
sime.) Quem vene-
randa senectus, vita in-
nocentissimè acta, sin-
gularis eruditio, insi-
gnis quædam morum
& vitæ moderatio, multarum & maxi-
marum rerum vsus & experientia, resp.
tandem hæc nostra Cartusiana ratione,
modo, cōsilio, & prudentia hætenùs fœ-





CONCIO HABITA
AD CAPITVLVM GENE-
RALE SACRI ORDINIS
Cartusienfis, hoc anno

1584.

Obedite præpositis vestris & subiaccete eis, ipsi enim peruigilant, quasi rationem pro animabus vestris reddituri; vt cum gaudio hoc faciant non gementes, hoc enim non expedit vobis: Hebræorum ultimo.



Vix dici queat (Antistes optime & pientissime.) Quem veneranda senectus, vita innocentissimè acta, singularis eruditio, insignis quædam morum & vitæ moderatio, multarum & maximarum rerum vsus & experientia, resp. tandem hæc nostra Cartusiana ratione, modo, cōsilio, & prudentia hætenùs fœ-

licissimè gesta & administrata : in sum-
 mum vsque gloriæ fastigium euehunt.
 Patres Deo consecrati atque conscripti,
 virtute insignes, & doctrina celebres, of-
 ficio diuini gregis pastores, & quidem
 gregis opimi & selectissimi, nēpe Car-
 tufiani. Vix inquam dici queat, quàm
 latè pateat campus, in quem hoc loco
 diuinus sermo orationem inclinat : si par
 esset oratori dicendi vis, copia atque fa-
 cultas. Cæterùm qui maioribus hostijs
 inter antiquos sacrificare non poterant,
 farre rosto, & mola salsa : litare erant so-
 liti. Hac enim perycopæ Paulus ample-
 ctitur, quicquid tot æditi voluminibus,
 siue Xenophon, siue Plato, siue Zenon,
 siue Aristoteles, siue alij præclari aucto-
 res: de rectè administrandi rep. ratione
 in medium contulerunt. Addidit autem
 Christianam politiam & œconomiam,
 qua vna tractatione: vniuersa pariter om-
 nium mortalium ac temporum ingenia
 superat, quæ Evangelica luce caruerunt.
 Docet quippè rerum publicarum præ-
 fectis, obedientiam & reuerentiam à
 minoribus esse præstandam. Et contrà,
 eos qui ad reipublicæ clauum sedent, &
 populi remos impellunt, & habenas mo-
 deran

derantur: oportere peruigili cura, atque indefesso labore, morum reformationi, animarum saluti, spiritualibus lucris accessionibus & incrementis: perpetuò operā dare, & incumbere. Nullam igitur faciam temporis versuram, sed in hac breuem summam, tanquam in præcipua capita benè gerendi temp. quicquid dicturus sum contraham, & continentis ac perpetuæ orationis nostræ ductum componam. Tantùm superest, vt aditis æquo animo attenti atque benigni (patres amplissimi:) & vt ad rem tātā pro dignitate, & pro ingeniorum vestrorum splendore & elegancia, & pro cultissimi huius vestri confessus grauitate & amplitudine pertractādā, diuini Spiritus illapsū & cœlestia præsidia: ope diuæ Virginis Theotochu, suppliciter imploremus.
A V E M A R I A.

QVI neglecta verborum pōpa splendore & apparatu, nudam ipsam veritatem amplexi, abiecto omni fūco, & meretriciis ornamentis, synceram ipsius pulchritudinem cōtemplati sunt (auditores grauissimi:) quales fermè ij esse solent, quos vulgus Theologos Scholasticos appellauit, imperiti forsitan sermo-

ne : sed non scientia. Eos affirmant, qui Religionis statum votis nuncupatis solenniter profitetur, quos vniuersos vno nomine, sacra Tridentina Synodus, Regulares appellauit : & si diuersa habeant instituta diuersis ceræmoniis, ritibus, & externis cultibus vtantur, diuersosque sibi proponant peculiare fines : alij anachoresim & ascetismum, alij militiam, alij obsequia & curationes pauperum, alij institutionem & eruditionem populi Christiani, alij casu aut bello, captorū redemptionem : atque alij alia id genus multa præclara profectò Christianæ pietatis studia : vniuersos tamen iunctis vmbonibus & communi calculo contendere, eundem charitatis scopum collimare. Sicut scriptum est. Finis præcepti charitas, de corde puro &c. Itaque tramite quidem multi, sed meta vna : in quam regiæ omnes hæ viæ & itinera cōfluunt. Vniuersis commune est, tribus votis solenniter emissis, non aliter ac tribus adamātinis & trabalibus clauis sese cruci Religionis adfigere. Cōmentamur autē & sermonē in præsentiarū, institui-
mus nō de Religione quæ virtus & pars est iustitiæ, qua Deū debito honore, cul-
tu

tu, & seruitute colimus, sed de Religione quæ status proficientium est, & tendentium ad perfectionem. Inter hæc autem vota tria quæ pientissimè & religiosissimè emittuntur, etsi miseri hæretici medij crepent atque rumpantur, & ex aduerso cornicentur, cùm diuinarum literarum testimoniis, sacrorum prætereà Conciliorum decretis, & clarissimis sanctorū patrū suffragiis probentur. Matth. 19. Lucæ. 9. 1. ad Timoth. 5. Deuteronom. 23. Ecclesiastes. 5. Psal. 15. Isaï. 75. Facit Concilium Nicenum primum, ab Eugenio Pontifice citatum in. c. placuit *el primo*. 16. q. 1. Calcedonense canone. 16. ab Alexandro secundo relatum in c. iuxta eadem causā & q. Toletanum secundū c. 1. & 4. c. 26. Tarraconense à Gratiano relatum. 16. q. 1. Agathense. c. 9. Arelatense. 3. c. 2. Carthaginense. 4. c. 104. Turonense. 2. c. 21. Tridienti. ses. 14. c. 9. nec opus est sanctorum patrum sententias referre, aut loca designare & vrgere: remittimus vos ad Rostensem Castrensem, Turrianum, Eckium, Bunderium, Canisium & alios: qui Enchyridia & locos communes aduersus nostri temporis hæreticos, elegatissimè cōscripserūt.

Inter

Inter tria ergò illa vota quæ piè & religiosè concipiuntur, omnium maximum atque potissimum est obediètiæ votum, quo cetera, ceu genere clauduntur. Nam continentia corpus, paupertas voluntaria opes: obedientia verò mentem, nēpe voluntatem & libertatem Deo consecrat: qua vna re nihil preciosius, nihil dignius, nihil quod magis sui esset iuris: Deus opt. Max. inter naturalia mortalibus concessit.

Obedientia nāque solenni voto concepta, voluntariam paupertatem, stabilitatem, morum conuersionem & continentiam amplectitur. Vsq̃ue ad eò, vt tantundem polliceantur, qui solam & nudam obedientiam solenniter spondent & profitentur: ac illi, qui apertè votis nūcupatis, quatuor alia promittunt. Hoc tantum interest, quòd ij apertè & explicitè, illi vero tacitè & implicitè, omnia illa polliceantur. Quam sententiam omnium approbatione & consensu tenet Thom. 2. 2. q. 186. ar. 8. Innocentius in cap. porrectum, de regularibus. Panorm. eodem loci num. 3. Trullus lib. 1. de ordine Canonorum regularium. c. 17. Nauarrus in cap. non dicatis 12. q. 1. & in com-
men

mentario de voto paupertatis in cap. statuimus 19. q. 3. num. 19. Stabilitas enim obedientiæ voto comprehensa, ordinis est, nō loci: aut loci, salua tamen obedientia, etiā eorū, qui voto peculiari stabilitatem in designato loco & monasterio pollicentur. Quemadmodum nostri cōuersi Cartusienſes, & canonici Regulares. Iuxta leges paternas, & maiorum instituta atque sanctiones. Nam alia ratione non possent superiorum auctoritate, ex vno ad alium locum transferri: etiam iustis de causis. Cum clarissimi auctores dubitent, an in voto, solenni, possit ipse summus & Romanus Pontifex dispensare. Atque ea ratione conciliari possunt auctores, qui diuersa hac de re sensisse iudicantur. Quod autem stabilitatis votum, etiam loci designati: ita sit intelligendum, tenent. Antoninus 3. p. t. 16. cap. 1. §. 7. Abbas Smaragdus in c. 58. regulæ D. Benedicti. Cardinal. de Turcremata in commentario eiusdem. ca. 58. tractatu 127. in regulam D. Benedicti. Ioannes Dominicus, Cardinalis Cusſanus. Bernardus Abbas Cassinas lib. de iis ad quæ professione obligatur monachus, ca. 1. & 2. Trullus lib. 2. de ordine canonici-

corum regularium cap. 14. & lib. 1. c. 28.
 Petrus de sancto Andomaro lib. 3. de in-
 stitutionibus monasticis iuxta sancti cō-
 ciliij Triden. decreta. Nauarrus in cap. nō
 dicatis. 12. q. 1. & in comentario de voto
 paupertatis in cap. statuimus. 19. q. 3. nu.
 29. Habebit igitur principatum inter cæ-
 tera vota obedientia, cuius actiones pro-
 pinquiores sunt Religionis fini & sco-
 po, eiusque essentia magis consentaneæ
 & intimæ. Neque enim eum qui volun-
 tariam paupertatem & continentiam
 etiam voto concepto promisserit, bene
 quispiam religiosum vocauerit: nisi fue-
 rit pollicitus obedientiam, quæ virgini-
 tati præfertur, etiam voto confirmatæ.
 Iuxta illud August. lib. de virg. cap. 46.
 Nemo quantum puto, ausus fuerit virgi-
 nitatem præferre monasterio. Cum igi-
 tur tanti habenda sit obedientia, iure
 optimo Theologis placet, ultra commu-
 nia illa vincula omnium Christianorū,
 qualia sunt Ecclesiæ & Decalogi præce-
 pta, & tria vota monastica, quibus reli-
 giosi sponte astringuntur, & maiorum
 ac legum suarum præcepta: ad duo alia
 teneri sub pœna peccati mortalis, quæ
 vnicuique nostrū (patres amplissimi)
 sem

semper sunt præ oculis habenda. Alteram est non contemnere perfectionis accessionem & incrementum: hoc est niti & tendere in perfectionem: Alterum verò, non contemnere leges paternas, sed ut veros decet Rechabitas, pro eis asserendis, & tuenda maiorum gloria: si res ita postulet, fortiter oppetere. Non est vlla hac in re difficultas, nam cōtemnere perfectionis accessionem & incrementum, nihil est aliud quàm nolle subijci legum & maiorum decretis. Et contra, nolle subijci legum & maiorum decretis, nihil est aliud, quàm contemnere perfectionis accessionem & incrementum. Cum igitur vtrunque peccatum ortum habeat ex contemptu, & hi duo contemptus mutuò sese inferant: exploratum est, sartatecta & integra manere omnia, si adsit obedientia atque animus syncerè cādidus, suis & præfectis & legibus subiectus. Nec enim alia ratione nobis ad perfectionis decus properandum est, quàm ea: quæ iam olim suis statutis & legibus, à sanctis patribus nobis est cōstituta. Itaque morum conuersio, nihil est aliud, quàm obseruantia regularis, & vita, iuxta sanctorum patrum placita in-

stituta. Quā qui in externis tātū culti-
 bus & cæremoniis, & non magis in inti-
 ma sui ipsius nihili pēfione, abnegatio-
 ne, resignatiōe odio, abdicatione, & ab-
 stractiōe animi, à rerū visibiliū & exter-
 narum vmbri censet sitam esse & col-
 locatam: infans est, & imperitus, nesciēs
 quē loquitur, neque de quibus affirmat.
 Animaduertendum tamen est, quod
 transgressionum multitudo & frequen-
 tia, non parit contemptum: (vt sunt au-
 thores grauissimi vterque Thom. 2. 2. q.
 186. a. 9. Possunt siquidē maiorum pla-
 cita & mandata, aut imbecillitate, aut
 libidine, aut quauis mala alia cupiditate
 violari: salua semper animi subiectione
 & obedientia, qua homo compertum
 habet sanctas profectō esse sanctorum
 patrum institutiones & leges, quas ipse
 ex animo vellet præstare, etsi suis cupi-
 ditatibus victus: nonnunquam oneri ce-
 dat, atque succumbat. Nihiloseciūs ta-
 men, in maximo contemnendi periculo
 versantur, qui crebris suarum legum
 transgressionibus assuescunt. Nam vt
 vulgò dici solet, nimia familiaritas pa-
 rit contemptum. Quamobrem non est
 mihi comperendinandum in hac parte,
 (audi

(auditores grauiſſimi) neque tempus inaniter conterendum: vt diuinarum literarum testimoniis demonſtrem & exemplis, quantum aliis virtutibus præſtet obedientia, & quàm grauiter rebelles & refractarios mortales, nec facile ſuis placitis obſequētes, Deus vltus fuerit. Dicā in compendio. Omnium earum religionū ſumma atque perfectio, quas factitias diuus Bernardus appellauit: vno obedientiæ vinculo continetur. Quam in rebus etiam minimis exhibere oportet magiſtratibus, ſi ſaluam atque florētē rempub. noſtram eſſe cupimus. Quapropter non eſt parui pendendū (viri ornatiffimi) quòd ſint inter noſtrates quidam vſque adeò moroſi & refractarij, vt poſtquàm bis iam in comitiis generalibus publica authoritate, cōmuniconſenſu & calculo decretum eſt, vt abrogata antiqua pronuntiandi lege vt nimium obſoleta & rudi: & rectā vocationē, id eſt, ſyllabarum quātitatē, & proferēdi rationem ſequeremur, priuata ipſi authoritate, nihil neque maioribus, neque rationi, neque æquitati deferentes: mendacium pro veritate, pro luce tenebras mordicū retinere contē-

dunt. Atque hi quidem videri volūt antiquitatis & Religionis assertores : quibus ego faciliè & perspicuè ostendero, in primis eos esse obedientiæ : hoc est summæ & præstantissimæ virtutis violatores. Deinde, multis iustisque de causis religiosissimos patres, qui his annis superioribus comitiis generalibus interfuerūt : huiusmodi nimium priscam proferendi cōsuetudinem antiquasse. Quādiu enim maioribus nostris visum est, vt priscam illam nimium & obsoletam pronunciandi rationem sequeremur: humiliter fuit illis obsecundandum. Est enim nonnunquam piè , cæca obedientia: à sanctis patribus vehementer commendata. Quæ rerum discretionem & proprium iudicium abdicat atque resignat, nec ea agredi formidat , quæ etiam naturæ ipsius facultatem & vires excedūt: si præcipiantur. Hinc illæ ingentium faxorum conuulsiones, arborum iam olim stirpitùs conuulsarum plantationes , & irrigationes, herbarum hortensium contrariæ sationes, vt radices sursum , frondes deorsum collocatæ, terræ mandarētur , à patribus suis discipulis præceptæ. Non igitur aut vana, aut ociosa, aut stulta

ta iudicamus, præclara hæc piorū hominū studia, quæ & à Ioāne Cassiano lib.4. de instit. monast. cap. 10. & c. 24. & collat. 2. cap. 11. & collat. 4. cap. 20. vehementer laudata sunt. Hanc enim proprii iudicii abnegationem & renuntiationem propter obediētiam, Deum habere gratam: ostendit Grego. in librum Regum primum, lib. 2. cap. 5. & Bernar. vbiq̃, sed maximè sermone de tribus ordinibus Ecclesiæ: & sermone ad milites templi. c. 13. & sermone de fructibus obediētiae & eius gradibus. In hanc classem referamus, quam hætenū habuimus laudabilem profectò patrum consuetudinem, qui cum nec essent bonarum literarum expertes, nec Grammaticalium rudimentorum ignari: priscam tamen illam barbariem, & nimiam superioris seculi ignorantiam, quam simul cum Rōmani imperij inclinatione, Latina lingua tulit, exterarum gentium crebris inuasionibus è stirpe fermè euerfa & excissa: propter obedientiam tamen, æquo animo tulerunt. At postquàm nostra ætate literæ refluoruerunt, & puellis etiam ipsis primas Grammatices rationes addiscentibus, redditæ sunt ridiculæ barbaræ illæ,
& ran

& rancidæ prolationes, placuitque pa-
 tribus lucem ipsam & veritatem ample-
 cti, quid opus est repugnare, aut quid
 aliud est hac in parte tenacem esse pro-
 positi, quàm manifestam animi duritiem
 & obstinationem præferre & indicare,
 ex qua non alium speres exitum, quàm
 quem est fortitus Asceta ille Hieron, cu-
 ius meminit Cassianus, collat. de di-
 cretione quæ magnò Antonio tributa
 est. Scio equidem Origenem Homil. 3.
 in cantica, Grammaticorum superstitio-
 nem damnasse. Gregorium etiam in epi-
 stola ad Leandrum scripsisse, verba cœ-
 lestis oraculi non esse subijcienda regu-
 lis Donati & August. tractatu. 2. in Ioã-
 nem, in illa verba, *Qui non ex sangui-
 nibus, &c.* est enim Græcismus: Latine
 namque sanguines pluraliter non dici-
 mus:) dixisse, non esse formidandas fe-
 rulas Grammaticorum: addidit tamen
 grauitè & verè: Dum tamen ad verita-
 tem solidam & certiore perueniamus.
 Quod ad ambiguitates repellendas ali-
 quandò licere, idem est author lib. 3. de
 doctr. Christiana. & 4. cap. 10. & in Psalm.
 138. in illa verba: *Non est occultatum os
 meum à te.* Quò loci, ad expungendam di-
 ctionis

tionis ambiguitatem, pro offe: quidam
 offum legere erant soliti. Nec me latet
 sacrum illum ac diuinū virum Spyrido-
 nem, Trimituntis Cyprię memorabilem
 Episcopum: (quem nos priuatim pro Di-
 uo tutelari & patrono colimus, quòd in
 sacris eius feriis: nempe die. 12. Decem-
 bris, in hanc lucem editi simus.) Triphil-
 lium Ledrensem Episcopum, virum fa-
 cundia & doctrina clarissimum, oratio-
 nem ad Christianorum conuentum pu-
 blicè habentem: publicè etiam correxis-
 se: Cum ille pro grabato, lectulum, siue
 cubile dixisset, versans illud Euangeli-
 cum Tolle grabatum tuum & ambula.
 Non inquit tu es melior eo qui dixit, tol-
 le grabatum tuum & ambula. Hac enim
 orationis interruptione est vsus, (vt au-
 thor est Sozomenus lib. 1. hist. tripar. cap.
 10. & Nicephorus lib. 8. ecclest. hist. cap.
 42. vt hominis fastum, & turgidæ & las-
 ciuientis orationis faleras, & impetum
 coërceret atque contunderet: non quod
 affectatæ verborum sordes, damnatæ at-
 que protritæ, viro sanctissimo cordi esse
 possent.

Nam patres iure & maximo cum de-
 lectu, legitimam, germanam atque pro-

batam pronuntiandi consuetudinem in
 vsum reuocasse: multis rationibus osten-
 di potest. In primis ex legis natura, quæ
 nihil est aliud: quàm rationis ordinatio
 atq; præceptio. Vt eleganter dicit D. Tho.
 12. quæst. 90. art. 4. Non videtur autem ra-
 tioni cōsentaneum, quòd si per imperi-
 tiam & ruditatem, leges aliquæ sancitæ
 sunt: discusa iam illa ignoratiæ caligine,
 & cognita veritate: propter antiquitatis
 reuerentiam mēdacium retineatur. Præ-
 fertim cū ratio prolationis atque pro-
 sodiæ, quam Patres reuocant: multò ea
 quàm hactenùs seruauimus sit anti-
 quior: vt ex classicis & principibus Lati-
 næ linguæ authoribus constat. Et ratio
 priscarum legum ea fuerit, quòd veram
 se & probatam syllabarum quantitatem
 & pronunciationem assecutos, earum
 conditores existimauerint. Quod nunc
 longè aliter se habere, omnium gētium
 & mortalium consensu, consuetudine &
 vsu: exploratum est. Non est igitur hu-
 iusmodi sententia vetustatis veneratio,
 sed animi pertinacia & obstinatio. Erit
 enim lex, inquit Isido. lib. 5. Ethimo. cap.
 21. honesta, iusta, possibilis: secundum
 naturam, secundum patriæ consuetudi-
 nem,

nem, loco, temporique cōueniens. Quo testimonio ad probandas legis optimè & benè constitutæ conditiones, vritur Gratianus in c. erit autē lex. dist. 5. Deinde quod huiusmodi consuetudines & leges, quæ aduersus apertam veritatem nituntur: ipso iure abrogentur. In cap. Mala. & c. Frustra. d. 8. l. Minimè. l. Nulla ff. de legibus. c. Cum dilectus de consuetudine. Quapropter iam olim prisca illa & obsoleta pronuntiatio, desierat apud Cartusienfes Germanos: desierat apud Italos, nutabat apud Hispanos & Gallos: nec quicquam aliud supererat, quàm vt publica authoritate legitimè apud omnes definèret. Si nunc ab orco reuocaremus Siticines Marci Catonis, quos so ignorare ingenuè Cælius Vindex in Commentariis lectionum antiquarum fassus est: & in coniectaneis Ateus Capito per coniecturam, nimium prisca illius vocabuli significationem affecutus creditur: nōne essemus meritò ridiculi? Publius Lauinius Varronē sordidè sculmam, pro sequestro dixisse ait: ridet Cicero Catonem in originibus, verrucam pro monte vsurpantem: & in lib. de oratore, lepidè eos qui iam olim desita vo-

cabula vsurpabant, verrucosos oratores
 appellauit: Quo allusit Persius, inquiēs.
 Si quos verrucosa moretur Antyopa.
 Quamobrem doctè profectò & grauitèr
 Phauorinus apud Gellium lib. i. noctium
 Atticarum. cap. 10. adolescentem veterū
 verbōrum nimis cupidum, sic allocu-
 tus traditur. Curius atque Fabricius &
 Titus Verruncanus, viri antiquissimi, &
 his antiquiores Horatij illi trigemini,
 planè ac dilucidè cum suis fabulati sunt:
 neque Aurunſorum, aut Sycanorum aut
 Aboriginū qui primi incoluisse Italiam
 dicuntur, sed ætatis suæ verbis sunt vsi: tu
 autem perinde ac si cum Carmentsa Euā-
 dri matre sermonem conferres, sermone
 multis ab hinc annis desito vteris. Si an-
 tiquitatem tibi placere ais, viue mori-
 bus antiquis, loquere verbis presentibus
 idest his, quæ in omnium vsu & ore ver-
 sentur. Sermone quippè (vt eleganter
 dixit Fabius:) vtendum est vt numo, cui
 publica forma sit. Repugnare igitur hac
 in re, nihil est aliud quàm delectari pra-
 ua consuetudine. Nam quemadmodum
 ægroti, si compellantur abstinere à cibis
 qui eos delectant, ægrè ferunt, etiam si
 eis noceant: sic etiam multi, (vt Author
 est

est Aristoteles. 1. lib. Rhetorices ad Theodectem. cap. 11. & sect. 18. problem. q. 1.) si cogantur inueteratas suas cōsuetudines relinquere molestè ferunt: et si sint præter rationem & noxiæ. Quod ut arbitror nō ineptè ab eo. 2. lib. sublimioris sapientiæ. cap. 3. his verbis pronunciatum est. Auscultationes, inquit, secundū cōsuetudinem accidunt: quemadmodum enim consueuimus, ita iudicamus dici debere: & quæ præter hæc, non apparent similia. Quantam verò vim habeat consuetudo, leges indicant: in quibus fabulosa & puerilia plus possunt propter cōsuetudinem. Hæc ille. Nec debet quemadmodum eleganter ab Innocentio. 3. Pontifice sanctissimo & eruditissimo dictum est in. ca. Non debet, de consanguini. & affi.) reprehensibile iudicari: si iuxta varietatem tēporum, statuta quoque varientur humana. Facit textus in. c. finali de transactioni. in cap. Super eo, de sent. excommunicat in ca. Sciendum d. 12. in. cap. Erit autem. dist. 5. in c. Quis ignoret & in ca. Obiicitur 32. q. 4. in cap. Occidit. 33. q. 8. Maximè in prolatione & accentu, cū doctè à prophano quodam vate dictum sit. Mortalia facta peribunt

Hierony.
in præfatio
ne Iob. Tā
ta est enim
reuerentiæ
cōsuetudo,
ut etiam
confessio pla
risque vi
sæ placeat.

nedum vt sermonum flet honos & gratia viuax.

*Multa renascentur, quæ iam cecidère, cadentque
 Quæ nunc sunt in honore vocabula: si volet vsus,
 Quæ penes arbitriū est, & vis, & norma loquēdi.*
 Antiquauit tēpus nōnullas ex priscis illis
 atque sanctissimis Guigonis consuetudi-
 nibus, multa tempori, multa nostræ im-
 becillitati data sunt, redimus ad lectulos
 post horas matutinas, ieiunia in pane &
 aqua partim abrogata sunt, induimur
 vestibus delicatis & mollibus, antiquatæ
 sunt recordationes & confessiones post
 prandium: & nunc tanquam pro aris &
 focis, pugnabimus pro asserendo & reti-
 nendo mendacio? Aut loco mouebimus
 nostra obstinatione, aut pertinacia, aut
 authoritate, aut cōsilio: quod Reueren-
 dis. Patri, & Capitulo generali placuit,
 maturè placuit, & iure & cū delectu pla-
 cuit? Quid est quod Paulus tam seriò ad-
 monet, inquit, omnia rectè & secun-
 dū ordinem fiant in vobis? Et iterū,
 Vnusquisque vestrum Psalmum habet,
 Apocalypsim habet, reuelationem ha-
 bet? Quid est quod in Psalmis legi-
 mus. | Psallite Maschil, id est, doctè, vel
 vt noster vertit interpretes, Sapienter?
 Quid

Quid est quod D. Hieronymus pro
 obtinenda & addiscenda recta linguæ
 sanctæ prolatione, dentes serra sibi mo-
 liri & aptari passus est? Quid est quod in
 celebri illa ducis Iephthæ victoria, occupa-
 to Iordane, malè pereunt Ephrathei: qui
 pro Syboleth. i. fluminis cursu atque de-
 fluxu per *Sim*: Zibolet, per *Zamath* malè
 proferunt? An parum vobis videtur (viri
 grauiissimi) cōsultò, data opera & ex pro-
 fesso, inconcinnè & perperam diuinas
 laudes proferre & pronunciare? Ego sic
 statuo: eos qui à viris doctis semel sunt
 admoniti de recta proūntiatione, nec eā
 in diuinis cantilenis & laudibus volunt
 præstare, si id faciant ex negligentia, aut
 inueterata consuetudine, peccare qui-
 dem venialiter: si verò ex contemptu:
 mortaliter. Nam turbant auditores, &
 scandalo sunt pusillis, & quātum in ipsis
 est: cantus Ecclesiasticos suis nimium rā-
 cidis prolationibus, auditoribus ridicu-
 los faciunt, & nebulonibus ridēdos pro-
 pinant. Quibus se olim vehementer af-
 fectum, fatetur in confessionibus Augu-
 stinus. Quæ rationes, adeò graues & so-
 lidæ doctori Martino Azpilquetæ Na-
 varro viro doctissimo, visæ sunt: vt hanc
 planè

planè sentētiam, ipse omnium approbatione confirmatam, non sit veritus asserere, in repetitione cap. Quando, de consecrat. d. i. notabili. 16. a. nu. 9. vsque ad n. 20. exclusiue. Quis verò mentis compos in hanc seriem reduxerit verba Pauli. 1. ad Timoth. vltimo. O. Timothæe depositum custodi, deuita prophanas vocum nouitates, & oppositiones falsi nominis scientiæ. Et 2. ad eundem cap. 2. Prophana autem & inaniloquia, deuita. Quæ ad Gnosticos pertinere, vniuersi patres affirmât: maximè Epiphanius, Hieronymus, & Eucherius. Quicū magia vteretur, superstitiosa, vocabula quædam effinxerant barbara, & vt plurimùm nihil significantia. Et non magis illa. 2. ad Timoth. 1. Formam habere sanorum verborum, quæ à me audisti. Et iterùm. c. 2. Seruum autem domini non oportet litigare, sed mansuetum esse ad omnes: docibilem, patientem, &c. Nam sunt sacræ quædam & necessaria verborum nouitates, non prophanæ: (vt author est Hieronymus in c. 2. Epistolæ ad Ephesios. Nam diuus Paulus nouè dixit, *κοσμοκράται* & 70. viri. eodē authore, nouiter dixere. Apocalypsim. Et Incarnationis nomen, Latinis nouum

nouum est. Id ipsum igitur patres sentiamus & dicamus omnes in Christo, & non sint inter nos schismata. Sed Deū immortalem? qui in re tam nihili, idest, in vocationibus, tales se præstant: quales se præstabunt in ferenda ope matri Cartusie, extrema penè inopia laboranti, dū noctu diuq; pro omniū incolumitate, quiete, pace, incremento & felicitate prospero statu inuigilat: & perpetuas agit excubias. Quàm duri, quàm auari, quàm immorigeri, quàm parū grati & memores officiorum! Cartusie curæ est, ne quid resp. nostra detrimenti patiatur, vt in ea floreant religio, pietas, disciplina & obseruatia regularis, vt ius suum vnicuique tribuatur, vt leges habeas in promptu & in numerato, idest, expeditas, & in compendium redactas, quibus faciliè uti queas: libros repurgatos atque synceros, quibus diuinis odis & cantibus insulas: tu si vel vnus assis sit cōferendus, subdubitas, molestè fers, refugis? An hoc est obedire prælatis, eisque deferre qui pro nobis peruigilant, tanquam rationem reddituri pro animabus nostris, vt hoc faciant cum gaudio, & non gementes? Filij Israël collata stipe, in vsus & appara-

tum sanctuarij, tãta alacritate opes suas certatim contulerunt: vt palam illis iri obuiam à Besele & Oliab diuinæ illius fabricæ architectis opus fuerit. Romanorum matronæ inopi ærario, cum deesset aurum, quod ex voto Apollini Delphico consecrarent, vniuersa aurea sua ornamenta atque monilia, liberaliter obtulerunt. Carthaginenses mulieres deficiente materia ad classem pro reip. salute adornandã, abscissos crines, ad funes contexendos obtulerunt: & tu dubitas, tu hæres, dum alma mater Cartusia obolo iuuãda est? Nõne iure optimo verba illa Pauli sacra Cartusia vsurpauerit: Si spiritualia seminamus, magnũ est si carnalia vestra metamus? quis vnquàm suis stipendiis militauit? nõne scriptum est, Nõ alligabis os boui trituranti? &c. Sed nunc non est animus singula referre & persequi, impedimur siquidem temporis angustia, & quod maximè ad rem faciebat, nempe quo pacto pastoribus peruigilandum sit, tanquàm pro animabus ouium suarum rationem reddituris: cogimur intactum relinquere. Receptui igitur canamus, & si parum scænicum complicemus, & rem totam

totam: ad quàm paucissima cōtrahamus.
 Religionis medulla, & nucleus, quid di-
 cam medulla nucleus? anima, vita, cor
 est obedientia: & quid non? Hæc solenni
 voto concepta, stabilitatem, continen-
 tiam, & morum conuerſionem amplecti-
 tur. Hæc facit vt tutò professionis no-
 stræ scopum collimemus, & in charitatis
 perfectionem ſedulò contendamus: fa-
 cit, vt maiorum legibus, votis, atque ſan-
 ctionibus alacriter obſecundemus: &
 propositum ſœlicitatis æternæ brauium
 atque coronam, decurſo breuiſſimo vitæ
 huius ſtadio, per Chriſtum perenni-
 ter aſſequamur. Cui laus perpe-
 tua, & imperium per-
 enne: in æternum
 & ultra, Amen.

**



D 2





